



粒積

拚開始學閩南語的時，聽一位講師講：「粒積」這個詞誠心適，予人照字面就會當了解是一粒一粒慢慢仔累積的。自彼陣開始，「粒積」兩字就深深刻佇我的心肝穎仔，我嘛斟酌咧體會生活經驗恰伊的關聯。

細漢聽人講「百萬富翁」，佇往過若有一百萬就是人人欣羨的好額人，所以這個數字就成做我大學出業以後的目標。彼時月給干焦兩萬桶箍爾，我儉腸凹肚，查查仔粒積，三年後恰自底的私奇鬥起來就有一百萬矣。

到甲結婚生囡，看著拚出世的紅嬰仔遮爾幼茁闊規身軀軟荖荖，「個愛底時才育會大漢咧？」阿姪安搭我講：「便若一个寒、一个熱就過矣！」我戇戇仔育、戇戇仔飼，一工過一工、一冬過一冬，真正一目瞞仔，個攏已經大人種矣，毋免我煩惱個會枵抑是會寒袂？

囡仔離跤手矣，當想欲走揣家己生活第二春的時，無疑悟煞熟似著母語界的朋友，就按呢開始學我的母語。為著欲共喙裡講的話用文字表達出來，我拚勢練字音字形。頭起先成績無蓋好，毋過我拍斷手骨顛倒勇，閣較綿爛學習恰吸收。這幾年來，毋但學著新詞，嘛共濟濟序大人捌講、又閣強欲無去的字詞拚轉來。彼種心情袂輸是拚著幾若年無看見的老朋友遐爾仔激動、感動，當然我的詞庫嘛那疊那濟那滇。舊年得著全國語文競賽閩南語音字社會組頭名的時，朋友問我是按怎練的？我講就是「粒積」兩字爾爾。

閣翻頭想看覓，敢通事事攏粒積？我捌共對翁婿的不滿一點一滴攏囤佇心肝內，有一日已經粒積到接載袂牢矣，我就若火山爆發起性地參伊冤家。尾後家己真後悔，嘛才體會著標的情緒和習慣實在毋通粒積，若有不滿就應該隨講清楚才著啊！

讀高中的時，校長定定講：「零星布仔會使做做嬌衫，零星時間會使完成美夢。」來勉勵阮愛共零星時間窮來用。我一直無放袂記得。無論啥物時陣、無論任何智識，我攏會照起工學習恰粒積，成就飽滇實穢的內才。

作者：白麗芬

☆詞彙學習☆

【儉腸凹肚】*khiam-tng-neh-tōo*：縮衣節食、省吃儉用。節省日常生活上的飲食開支。

【無疑悟】*bô-gî-ngōo*：不料、想不到。

【拚勢】*piann-sè*：拚命。做事情很努力、不計一切。

【綿爛】*mî-nuā*：專注認真，堅持到底。

【接載】*tsih-tsài*：支撐、支持。

【起性地】*khí-sing-tê/khí-sing-tuē*：發脾氣。因事情不如意而生氣發怒。